



**REPUBLIKA E KOSOVËS**  
**REPUBLIKA KOSOVA – REPUBLIC OF KOSOVO**  
**GJYKATA SUPREME**

---

Numri i lëndës: 2019:281854

Datë: 12.03.2024

Numri i dokumentit: 05440187

Rev.nr.69/24

GJYKATA SUPREME E KOSOVËS, në kolegjin e përbërë nga gjyqtarët Rrustem Thaqi, kryetar i kolegjit, Muhamet Rexha dhe Zenel Leku, anëtar të kolegjit, në çështjen juridike - kontestimore të paditësit: Q. Q. nga fshati R., Komuna e G., të cilin e përfaqëson I. G. avokat në P., sipas autorizimit, kundër të paditurit: L. K. I. A. J.S.C – P. I. A. "...", me adresë në V. – L., të cilin e përfaqëson Sh. S. avokat në F. K., sipas autorizimit, për pagesën e pagave përcjellëse me rastin e pensionimit, shpërblimit jubilar, dhe shpenzimeve të ushqimit, duke vendosur lidhur me revizionin e paditësit, të paraqitur kundër aktgjykimit të Gjykatës së Apelit të Kosovës Ac.nr.7427/21, të datës 27.11.2023, në seancën e kolegjit të mbajtur më datë 11.03.2024, mori këtë:

**A K T V E N D I M**

HEDHET POSHTË i palejuar revizioni i paditësit: Q. Q. nga fshati R., Komuna e G., i paraqitur kundër aktgjykimit të Gjykatës së Apelit të Kosovës në Prishtinë, Ac.nr.7427/21, të datës 27.11.2023.

**A r s y e t i m**

Me aktgjykimin e Gjykatës Themelore në Prishtinë - Dega në Lipjan, C.nr.603/19, të datës 19.05.2021, është vendosur: Aprovohet, në tërësi kërkesëpadia e paditësit Q. Q. nga fshati R.,

Komina e G., si e bazuar, dhe detyrohet, e paditura L. K. I. A. J.S.C – P. I. A. "...", me adresë në V. – L., që paditësit në emër të tri pagave të shpërblimit jubilar paditësit t'ia paguaj shumën prej ...€, në emër të tri pagave përcjellëse me rastin e pensionimit t'ia paguaj shumën në lartësi prej ...€, si dhe në emër të shpenzimeve të ushqimit në punë për ... ditë pune, paditësit t'ia paguaj shumën prej ... €, me kamatë ligjore prej 8% duke filluar nga dita e marrjes së këtij aktgjykimi datë..., e deri në pagesën definitive, si dhe shpenzimet e procedurës kontestimore në shumë prej ... €, dhe taksën gjyqësore për padi në shumën prej... €, të gjitha këto në afat prej 7 ditësh, pas plotfuqishmërisë së këtij aktgjykimi, nën kërcënimin e përmbarimit me detyrim.

Me aktgjykimin e Gjykatës së Apelit të Kosovës, Ac.nr.7427/21, të datës 27.11.2023, është vendosur: I. Refuzohet pjesërisht e pathemeltë ankesa e të paditurit L. K. I. A. J.S.C "...", me adresë në V. – L., ndërsa pjesa e dispozitivit, që ka të bëjë me kompensimin e tri pagave përcjellëse me rastin e pensionimit për paditësin Q. Q., si dhe pjesa e dispozitivit, që ka të bëjë me shpenzimet procedurale, të aktgjykimit të Gjykatës Themelore në Prishtinë - Dega në Lipjan, C.nr.603/2019, i datës 19.05.2021, vërtetohet. II. Aprovohet pjesërisht e themeltë ankesa e të paditurit L. K. I. A. J.S.C "...", ndryshohet pjesa e dispozitivit, të aktgjykimit të Gjykatës Themelore në Prishtinë - Dega në Lipjan, C.nr.603/2019, të datës 19.05.202, që ka të bëjë me kërkesëpadinë e paditësit Q. Q., për kompensimin e shpenzimeve të ushqimit dhe shpërblimit jubilar dhe çështja gjykohet si në vijim: Refuzohet kërkesëpadia e paditësit Q. Q. nga fshati R., Komuna e G., me të cilën ka kërkuar që të: Detyrohet i padituri L. K. I. A. J.S.C – P. I. A. "...", me adresë në V. – L., që paditësit në emër të tri pagave të shpërblimit jubilar t'ia paguaj shumën prej ...€, si dhe në emër të shpenzimeve të ushqimit në punë për...ditë pune, paditësit t'ia paguaj shumën prej ... €, me kamatë ligjore prej 8% duke filluar nga dita e marrjes së këtij aktgjykimi datë..., e deri në pagesën definitive", tërësisht e pabazuar.

Kundër aktgjykimit të Gjykatës së Apelit në afat ligjor ka paraqitur revizion paditësi, për shkak të zbatimit të gabuar të së drejtës materiale, me propozim që të pranohet i bazuar revizioni i paditësit, të prishet aktgjykimi i Gjykatës së Apelit të Kosovës dhe çështja të kthehet në gjykatën e shkallës së dytë, ose të mbetet në fuqi aktgjykimi i gjykatës së shkallës së parë.

Gjykata Supreme e Kosovës, në procedurën e vendosjes sipas revizionit në kuptim të dispozitave të Ligjit për Procedurën Kontestimore (LPK) nga neni 211, 212 dhe 215 gjeti se:

Revizioni i paditësit është i palejuar.

Nga shkresat e lëndës rezulton se paditësi më datë ..., në gjykatën e shkallës së parë, ka paraqitur padi, kundër të paditurit, për pagesën e pagave përcjellëse me rastin e pensionimit, shpërblimit jubilar, dhe shpenzimeve të ushqimit, duke kërkuar më saktësisht si në precizimin e padisë të bërë në parashtresën e datës ... .

Gjykata e shkallës së parë duke vendosur sipas padisë së paditësit, pas vlerësimit dhe administrimit të provave, pas mbajtjes së seancës për shqyrtim kryesor ka nxjerr aktgjykimin C.nr.603/19 të datës 19.05.2021, me të cilin e ka aprovuar në tërësi kërkesëpadinë, duke vendosur më decidivisht si në dispozitiv të aktgjykimit.

Kundër aktgjykimit të gjykatës së shkallës së parë, i padituri ka paraqitur ankesë, ndërsa gjykata e shkallës së dytë me aktgjykimin e saj Ac.nr.7427/21, të datës 27.11.2023, ka vendosur që të aprovojë pjesërisht ankesën e të paditurit, ndërsa aktgjykimin e atakuar e ka ndryshuar, duke vendosur më decidivisht si në dispozitiv të aktgjykimit.

Kundër aktgjykimit të gjykatës së shkallës së dytë paditësi ka paraqitur revizion, andaj Gjykata Supreme e Kosovës, në këtë çështje juridike - kontestimore fillimisht vlerësoi lejueshmërinë e revizionit dhe konstatoi se në këtë rast revizioni është i palejueshëm, për arsye se:

Me nenin 218, të LPK-së, dhe nenin 11, të Ligjit Nr. 04/L-118, për Ndryshimin dhe Plotësimin e Ligjit Nr. 03/L-006 për Procedurën Kontestimore, me të cilin është riformuluar neni 218 i ligjit bazik, përcaktohet se: “1. Revizioni i paraqitur pas kohe, i palejueshëm apo jo i plotë, hudhet poshtë me aktvendim të Gjykatës së shkallës së parë pa mbajtur seancë gjyqësore. 2. Revizioni është i palejueshëm nëse: a) e ka paraqitur personi i cili nuk është i autorizuar për paraqitjen e revizionit; b) revizionin e ka paraqitur personi i cili e ka tërhequr revizionin; c) nëse personi i cili ka paraqitur revizionin nuk ka interes për paraqitjen e tij; d) është paraqitur revizioni kundër aktgjykimit kundër të cilit sipas ligjit nuk mund të paraqitet ”.

Me nenin 211 paragraf 2, të LPK-së, përcaktohet se: “ Revizioni nuk lejohet në kontestet pasurore-juridike në të cilat kërkesëpadia ka të bëjë me kërkesat në të holla, me dorëzimin e sendit, ose me përmbushjen e ndonjë premtimi tjetër, po që se vlera e objektit të kontestit në pjesën e goditur të aktgjykimit nuk kalon 3,000 € ”, ndërsa në paragrafin 4, të këtij neni përcaktohen përjashtimet, si: “ Përjashtimisht edhe kur bëhet fjalë për kërkesëpadinë nga paragrafi 2 dhe 3 të këtij neni, revizioni gjithmonë është i lejuar: a) në kontestet për ushqim, b) në kontestet për shpërblimin e dëmit për ushqimin e humbur për shkak të vdekjes së dhënies së ushqimit dhe c) ndaj kontestet ndaj marrëdhëniet e punës të cilat i fillon i punësuari kundër vendimit për shuarjen e marrëdhënies së punës ”.

Nga interpretimi i këtyre dispozitave ligjore Gjykata Supreme e Kosovës, erdhi në përfundim se revizioni nuk lejohet kundër aktgjykimit të Gjykatës së Apelit të Kosovës Ac.nr.7427/21 të datës... , për arsye se dispozitat e cituara i referohen lejueshmërisë së revizionit e kushtëzuar me vlerën e kontestit e cila duhet të jetë mbi ... €, për të qenë i lejuar revizioni, dhe situatës kur revizioni lejohet pavarësisht vlerës së kontestit sipas kriterit përjashtues për natyrën e çështjes kontestuese. Në këtë rast vlera e kontestit në pjesën e refuzuese të kërkesëpadisë nga gjykata e shkallës së dytë për paditësin është ... €, e cila nuk e kalon shumën prej ... €, ndërsa në pjesën në të cilën është aprovuar kërkesëpadia e paditësit, i njëjti nuk ka interes ligjor të atakimit të kësaj pjese, dhe po ashtu natyra e kontestit nuk përbën përjashtim për lejueshmërinë e revizionit

Numri i lëndës: 2019:281854

Datë: 12.03.2024

Numri i dokumentit: 05440187

(përrjashtimet pavarësisht vlerës), prandaj në këtë rast për shkak të vlerës së kontestit, revizioni është i palejuar.

Andaj më qenë se gjykata e shkallë së parë nuk e ka hedh revizionin e të paditurit ashtu siç përcaktohet me nenin 218 të LK-së, atëherë Gjykata Supreme e Kosovës në kuptim të nenit 221 të LPK-së, vendosi që ta hedhë poshtë si të palejueshëm revizionin.

Nga të gjitha arsyet e paraqitura e në pajtim me nenin 221 të LPK-së, u vendos si në dispozitiv të këtij aktvendimi.

**GJYKATA SUPREME E KOSOVËS-PRISHTINË**

Rev.nr. 69/24, më datë 11.03.2024

Kryetari i kolegjit  
Rrustem Thaqi